



卷四十五

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷四十五
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

索隱述贊曰

畢公之苗 因國為姓 大名始賞

盈數自正 胤裔繁昌 世載忠正

揚干就戮 智氏奔命 文始建侯

武實疆盛 大梁東徙 長安北偵

卯既無功 邛亦外聘 王假削弱

虜於秦政

魏世家第十四

史記四十四

韓世家第十五

史記四十五

韓之先與周同姓，姓姬氏。其後苗裔事晉，得

封於韓原。正義曰：括地志云：韓原在同州韓地，縣西南八里。又韓城在縣南十

八里。故古韓國也。古今地名云。曰韓武子。索

曰：按左氏傳云：邢晉應韓武之穆，則韓是武

王之子。然詩稱韓侯出相，則是有韓而先滅

今據此文云：其後裔事晉，封於原，曰韓武子

則武子本是韓侯之後。晉又封之於韓原，即

今之馮翊韓城是也。然按系本及左傳舊說

又國語叔向謂韓宣子能修武子之德，起再

拜謝曰：自桓叔已下，嘉吾子之賜，亦言桓叔

是韓之祖也今以韓侯之後別有桓叔非關
曲沃之桓叔如此則與太史公之意亦有違

耳武子後三世有韓厥索隱曰系本云萬生

簡生與與生獻子厥從封姓為韓氏韓厥晉景公之三

年晉司寇屠岸賈將作亂誅靈公之賊趙盾

趙盾已死矣欲誅其子趙朔韓厥止賈賈不

聽厥告趙朔令亡朔曰子必能不絕趙祀死

不恨矣韓厥許之及賈誅趙氏厥稱疾不出

程嬰公孫杵臼之藏趙孤趙武也厥知之景



公十一年厥與卻克將兵八百乘伐齊敗齊

頃公于鞍正義曰音安括地志云故鞍城今俗名馬鞞城在濟州平陰縣十里

獲逢丑父於是晉作六卿而韓厥在一卿之

位號為獻子晉景公十七年病卜大業之不

遂者為崇韓厥稱趙成季之功今後無祀以

感景公景公問曰尚有世乎厥於是言趙武

而復與故趙氏田邑續趙氏祀晉悼公之十

年韓獻子老獻子率子宣子代宣子徙居州

索隱曰宣子名起州今在河內是也○正義曰括地志云懷州武德縣本周司寇蘇忿生之州也

晉平公十四年吳季札使晉曰晉國之

政卒歸於韓魏趙矣晉頃公十二年韓宣子

與趙魏共分祁氏羊舌氏十縣晉定公十五

年宣子與趙簡子侵伐范中行氏宣子卒子

貞子代立貞子徙居平陽索隱曰系本作平又云景子居平陽平陽在山西宋忠曰今河東平陽縣○正義曰平陽晉州城是

貞子卒子簡子代徐廣曰史記多無簡子莊子而云貞子生康子班氏亦同

○索隱曰按系本有簡子名不信莊子名庚趙系家亦有簡子名不佞也簡子卒

子莊子代莊子卒子康子代索隱曰康子名虎康子

與趙襄子魏桓子共敗知伯分其地地益大

大於諸侯康子卒子武子代索隱曰武子子名啓章武子

二年伐鄭殺其君幽公十六年武子卒子景

侯立索隱曰紀年及世本皆作景子名慶景侯慶元年伐鄭取

雍丘二年鄭敗我負黍六年與趙魏俱得列

為諸侯九年鄭圍我陽翟景侯卒子列侯取

立索隱曰系本列侯三年聶政殺韓相俠累

徐廣曰六年救魯也○索隱曰戰國策作殺韓傀高誘曰韓傀俠累也九年秦

伐我宜陽取六邑十三年列侯卒子文侯立

索隱曰紀年無文侯系本無列侯是歲魏文侯卒文侯二年

伐鄭取陽城伐宋到彭城執宋君七年伐齊

至桑丘鄭反晉九年伐齊至靈丘正義曰靈丘蔚州縣

也此時屬燕也十年文侯卒子哀侯立哀侯元年與

趙魏分晉國二年滅鄭因徙都鄭索隱曰紀年魏武侯



二十二年韓滅鄭哀侯入于鄭二十二年晉

相公邑哀侯于鄭是韓既徙都因改號曰鄭故戰國策謂韓惠王鄭惠王

猶魏徙大梁稱梁王然也六年韓嚴弑其

君哀侯而子懿侯立索隱曰年表懿侯作莊

哀侯于鄭韓山堅賊其君哀侯而韓若山若山即懿侯也則韓嚴為韓山堅也戰國策

又有嚴仲子名懿侯二年魏敗我馬陵正義曰

魏州元城縣東南一里五年與魏惠王會宅陽正義曰

也九年魏敗我澮徐廣曰大雨三月也○正義曰澮古外反在陵州澮十二年懿侯卒子昭侯立昭侯元年秦

水之上也

敗我西山二年宋取我黃池索隱曰魏取朱

六年伐東周正義曰河南鞏縣取陵觀邢五年申

不害相韓脩術行道國內以治諸侯不來侵

伐十年韓姬弒其君悼公索隱曰姬亦作玘並音羊之反姬是

韓大夫而王邵亦云十一年昭侯如秦二十

二年申不害死二十四年秦來拔我宜陽二

十五年旱作高門屈宜曰許慎曰屈宜曰曰是大夫在魏也

昭侯不出此門何也不時吾所謂時者非時

日也人固有利不利時昭侯嘗利矣不作高

門往年秦拔宜陽今年旱昭侯不以此時郵

民之急而顧益奢此謂時絀舉羸徐廣曰時衰耗而作

奢二十六年高門成昭侯卒果不出此門子

宣惠王立索隱曰紀年鄭昭侯武薨次威侯立威侯七年與邯鄲圍襄陵五月

梁惠王會威侯于巫沙十月鄭宣王朝梁不見威侯之節下敗韓舉在威侯八年而此系

家即以爲宣惠王之年又上有殺悼公悼公又不知是誰之謚則韓微小國史失代系故

此文及系本不同宣惠王五年張儀相秦八

今亦不可考也

年魏敗我將韓舉

索隱曰按此則舉是韓將不疑而紀年云韓舉趙將

蓋舉本趙將後入韓又紀年云其敗當韓威王八年是不同也

十一年君弼

為王與趙會區鼠十四年秦伐敗我鄢

徐廣曰穎

川鄢陵縣音於乾反○正義曰今許州鄢陵縣西北十五里有鄢陵故城是也十六

年秦敗我脩魚虜得韓將鯁申差於濁澤

徐廣曰一云鯁申差長杜有濁澤○索隱曰脩魚地名鯁申差二將名鯁音瘦亦作鯁○正義

曰按濁澤者蓋誤當作觀澤年表云秦惠文王更元八年與韓戰斬首八萬韓宣惠王十

六年秦敗我脩魚得將軍申差魏哀王二年齊敗我觀澤趙武靈王九年與韓魏擊秦齊

湣王七年敗魏世家云濁澤定誤矣徐廣又云濁澤在長杜不曉錯誤之甚括地志云觀

澤在魏州頓丘縣東十八里韓氏急公仲謂韓王曰

索隱曰公仲韓相國名俊與國非可持也今秦之欲伐楚久矣

王不如因張儀為和於秦賂以一名都具甲

與之南伐楚此以一易二之計也

索隱曰一謂使不伐韓而二謂使之伐楚也韓王曰善乃警公仲之行

索隱曰警戒也戰國策作傲亦同將西購於秦

索隱曰戰國策作講講亦謀議與購

楚王聞之大恐名陳軫告之陳軫

製 複 許 不

NOT TO BE REPRODUCED

東京大学東洋文化研究所

曰秦之欲伐楚久矣今又得韓之名都一而具甲秦韓并兵而伐楚此秦所禱祀而求也今已得之矣楚國必伐矣王聽臣為之警四境之內起師言救韓命戰車滿道路發信臣多其車重其幣使信王之救已也縱韓不能聽我韓必德王也索隱曰言韓王信楚之救於秦猶德於楚也必不為鴈行以來索隱曰言韓以鴈行而來言不同心於進也是秦韓不和也

兵雖至楚不大病也為能聽我絕和於秦秦必大怒以厚怨韓韓之南交楚必輕秦輕秦其應秦必不敬是因秦韓之兵而免楚國之患也楚王曰善乃警四境之內興師言救韓命戰車滿道路發信臣多其車重其幣謂韓王曰不穀國雖小已悉發之矣願大國遂肆志於秦不穀將以楚徇韓索隱曰徇從死韓也言以死助韓王聞之大說乃止公仲之行索隱曰止不令西之秦公

仲曰不可夫以實伐我者秦也以虛名救我者楚也王恃楚之虛名而輕絕疆秦之敵王必為天下大笑且楚韓非兄弟之國也又非素約而謀伐秦也已有伐形因發兵言救韓此必陳軫之謀也且王已使人報於秦矣今不行是欺秦也夫輕欺疆秦而信楚之謀臣恐王必悔之韓王不聽遂絕於秦秦因大怒益甲伐韓大戰楚救不至韓十九年大破我

岸門徐廣曰穎陰有岸亭○正義曰括地志云岸門在許州長杜縣西北十八里今

名西武亭矣太子倉質於秦以和二十一年徐廣曰周

王赧之三年也與秦共攻楚徐廣曰圍景座也敗楚將屈丐

斬首八萬於丹陽索隱曰故楚都在今均州也○正義曰左傳例云楚

居丹陽今枝江縣故城是也是歲宣惠王卒太子倉立是

為襄王徐廣曰一云周赧王六年韓襄哀王三年張儀死赧王九年襄哀王六年

秦昭襄王立襄王四年與秦武王會臨晉其秋秦使

甘茂攻我宜陽五年秦拔我宜陽正義曰括地志云故

韓城一名宜陽城在洛州福
昌縣東十四里韓宜陽城也斬首六萬秦武

王卒六年秦復與我武遂九年秦復取我武

遂十年太子嬰朝秦而歸徐廣曰與秦會臨晉因至咸陽而還

十一年秦伐我取穰正義曰穰人羊反鄧州縣也郭仲產南雍州記

云楚之別邑秦初侵楚封公子俚為穰侯後屬韓秦昭王取之也與秦伐楚

敗楚將唐昧十二年太子嬰死公子咎公子

蟣蚤爭為太子時蟣蚤質於楚蘇代謂韓咎

曰蟣虱亡在楚楚王欲內之甚今楚兵十餘

萬在方城之外索隱曰方城楚之北境之外謂北境之地也○正義曰括

地志云方城山在許州葉縣西南十八里左傳云楚大夫屈完對齊侯曰楚國方城以為

城杜注云方城山在南陽葉縣南公何不令楚王築萬室之

都雍氏之旁徐廣曰在陽翟○正義曰括地

志云故雍氏城在洛州陽翟縣二十五里故老云黃韓必起兵以救之公必

將矣公因以韓楚之兵奉蟣虱而內之其聽

公必矣必以楚韓封公也韓咎從其計楚圍

雍氏徐廣曰秦本紀惠王後元十三年周赧王三年楚懷王十七年齊湣王十二年

皆云楚圍雍氏紀年於此亦說楚景翠圍雍氏韓宣王卒秦助韓共敗楚屈丐又云齊宋圍糞棗皆與史記年表及田完世家符同然則此卷所云襄王十二年韓咎從其計以上是楚後圍雍氏赧王之十五年事也又說楚圍雍氏以下是楚前圍雍氏赧王之三年事韓求救於秦秦未為發使公孫昧入韓公仲曰子以秦為且救韓乎對曰秦王之言曰請道南鄭藍田正義曰南鄭梁州縣藍田雍州或出雍州東南歷藍田出曉關俱統楚北境以待韓使而東救雍氏如此遲緩近不合於楚出兵於楚以待公殆不合矣索隱曰殆不合於南鄭

公仲曰子以為果乎對曰秦王必祖張儀之故智徐廣曰祖者宗之習之謂也故智猶前時謀計也楚威王攻梁

也張儀謂秦王曰與楚攻魏魏折而入於楚韓固其與國也是秦孤也不如出兵以到之

索隱曰到欺也猶俗云張到然戰國策作勁勁強也魏楚大戰秦取西

河之外以歸今其狀陽言與韓其實陰善楚

公待秦而到必輕與楚戰楚陰得秦之不用

也必易與公相支也索隱曰言楚陰知秦不為公用亦必易與公相

也支拒公戰而勝楚遂與公乘楚施三川而歸

正義曰施猶設也三川各天子都也言韓戰勝楚則秦與韓駕御於楚即於天子之都張

設救韓之功行霸王之迹公戰不勝楚楚塞

三川守之正義曰楚乃塞南河四公不能救

也竊為公患之司馬庚徐廣曰一作唐三反於郢甘

茂與昭魚徐廣曰楚相國○索隱曰昭鮫也遇於商於

其言收璽實類有約也索隱曰劉氏云許言昭魚來秦欲得秦官

之印璽收印取之義也公仲忍曰然則奈何曰公必先

韓而後秦先身而後張儀正義曰先以身存韓之計而後知張

儀為秦到魏之計不如急以國合於齊楚公不如亟以國合於齊

楚齊楚必委國於公公之所惡者張儀也正義

曰惡烏故反公孫昧言公仲所惡者張儀到魏之計雖以國合於齊楚其實猶不輕欺無

也秦其實猶不無秦也於是楚解雍氏圍徐廣曰甘

茂傳曰楚懷王以兵圍韓雍氏韓使公仲告急於秦秦昭王新立不肯救甘茂為韓言之

乃下師於殺以救韓也又云周赧王十五年

韓襄王十二年秦擊楚斬首二萬敗楚襄城

殺景缺周本紀赧王八年之後云楚圍雍氏此當韓襄王十二年魏哀王十九年紀年於

此亦說楚入雍氏楚人敗然其時張儀已死
 十年矣○正義曰自此已上十二年並是楚
 後圍雍氏棘王之十五年一段事也前注徐
 廣云楚圍雍氏之下是楚前圍雍氏棘王三
 年事徐說非也徐見下之云先身而後張儀
 及公之所惡者張儀也言張儀尚有楚又兩
 度圍雍氏故生此前後之見甚誤也然蘇
 公孫昧却述張儀時事說韓相公仲耳
 代又謂秦太后弟芊戎徐廣曰號新城君○
 宣太后弟曰公叔伯嬰恐秦楚之內蠶虱也
 號新城君曰公叔伯嬰與蠶虱及公子咎
 索隱曰戰國策公叔伯嬰與蠶虱及公子咎
 並是襄王子然伯嬰即太子嬰嬰前死故咎
 與蠶虱又爭立此取戰國策說伯嬰未立公
 之先亦與蠶虱爭立故事重而文到也公

何不為韓求質於楚

索隱曰令韓求楚更以
 別人為質以替蠶虱也

○正義曰為于偽反後同質子蠶虱蘇代令
 芊戎為韓求蠶虱入於韓楚不聽公叔伯嬰

知秦楚不以蠶虱為事必以韓合於秦楚楚
 王聽入質子相韓當云楚王不聽入質子於

韓承前脫不字耳次下云知秦楚王聽入質
 楚不以蠶虱為事重明脫不字楚王聽入質

子於韓索隱曰質
 子蠶虱也則公叔伯嬰知秦楚之不

以蠶虱為事必以韓合於秦楚秦楚挾韓以

窘魏魏氏不敢合於齊是齊孤也公又為秦

求質子於楚索隱曰令芊戎教秦於楚索
 韓所送質子令入之於秦也楚

不聽怨結於韓韓挾齊魏以圍楚楚必重公

正義曰言韓合齊魏以圍楚楚必尊重卒戎以求秦救矣公挾秦楚之重

以積德於韓公叔伯嬰必以國待公於是蟻

蛭竟不得歸韓正義曰自此已前蘇代數計皆不成故韓竟立咎為太子

韓立咎為太子齊魏王來正義曰蘇代為韓立計故得齊

魏王來十四年與齊魏王共擊秦至函谷而軍

焉十六年秦與我河外及武遂襄王率太子

咎立是為釐王釐王三年使公孫喜率周魏

攻秦秦敗我二十四萬虜喜伊闕五年秦拔

我宛正義曰宛於元反宛鄧州縣也時屬韓也六年與秦武遂地

二百里正義曰此武遂及上武遂皆宜陽近地十年秦敗我師

于夏山十二年與秦昭王會西周而佐秦攻

齊齊敗湣王出亡十四年與秦會兩周間二

十一年使暴戡正義曰音捐韓將姓名救魏為秦所敗

戡走開封二十三年趙魏攻我華陽正義曰司馬彪

云華陽山名在密縣鄭州管城縣南四十里韓告急於秦秦不救

韓相國謂陳筮徐廣曰一作筮○索曰事急

願公雖病為一宿之行陳筮見穰侯穰侯曰

事急乎故使公來陳筮曰未急也穰侯怒曰

是可以為公之主使乎夫冠蓋相望告敵邑

甚急公來言未急何也陳筮曰彼韓急則將

變而佗從以未急故復來耳穰侯曰公無見

王請今發兵救韓八日而至敗趙魏於華陽

之下是歲釐王卒子桓惠王立桓惠王元年

伐燕九年秦拔我陘城汾旁正義曰陘音刑

水之旁陘故城在絳州曲沃十年秦擊我於

太行正義曰太行山在懷州我上黨郡守以

上黨郡降趙十四年秦拔趙上黨正義曰韓

太行山西北澤殺馬服士卒四十餘萬於長

平十七年秦拔我陽城負黍徐廣曰負黍在

古今地名云負黍在洛二十二年秦昭王卒

二十四年秦拔我城皋滎陽二十六年秦悉

拔我上黨二十九年秦拔我十三城三十四
年桓惠王卒子王安立王安五年秦攻韓韓
急使韓非使秦秦留非因殺之九年秦虜王
安盡入其地為潁川郡韓遂亡正義曰亡在
秦始皇帝十

十七

太史公曰韓厥之感晉景公紹趙孤之子武
以成程嬰公孫杵臼之義此天下之陰德也
韓氏之功於晉未觀其大者也然與趙魏終

為諸侯十餘世宜乎哉

索隱述贊曰

韓氏之先 實宗周武 事微國小

春秋無語 後裔事晉 韓原是處

趙孤克立 智伯可取 既徙平陽

又侵負秦 景趙據侯 惠文僭主

秦敗脩魚 魏會區鼠 韓非雖使

不禁狼虎

韓世家第十五

史記四十五

田敬仲完世家第十六

史記四十六

陳完者陳厲公佗之子也

索隱曰佗音徒何反此系家以佗為

厲公而左傳厲公名躍陳系家又有利公躍利即厲也是厲公名躍非名佗也蓋佗是厲

公之兄立未踰年無謚今此云厲公佗非也佗一名五父故經云蔡人殺陳佗傳又云蔡

人殺五父是也完生周太史過陳陳厲公使卜完卦

得觀之否是為觀國之光利用賓于王此其

代陳有國乎不在此而在異國乎非此其身

也在其子孫若在異國必姜姓姜姓四嶽之

